

الهيئة العامية لقصور الثقافة

اقليم القاهرة الكبرى ثقافة القاهرة

حوادیت عید السالام

شعر أيمين جيودة

89



الهيئة العامة لقصور الثقافة إقليم القاهرة الكبرى. وشمال الصعيد الثقافي فرع ثقافة القاهرة

حواديت عبد السلام السيجون نمره ٥ المسجون نمره ٥

شعر بالعامية المصرية أيمسن جسودة

رئيس الإقليم سيسد عسواد

مدير عام الفرع سيني

الإشراف الإدارى منيره بـــلال منيره بــلال روكــيـه راشــد صـالح فــتـحى

مدير التحرير د. مصطفى الضبع

مستشارو التحرير
د. عبد الحكم العلمي
د. عبد الناصر هلال
سيد الناصر هلال

تصميم الغلاف سسعــــاد عـــــد الله

مقدمة

«حواديت عبد السلام» صوت جديد ينضم للمعزوفة الشعبية لشعراء العامية المصرية بدءاً بأحمد بن عروس ومروراً ببيرم التونسى وبديع خيرى ويونس القاضى وصلاح جاهين وفؤاد حداد.

وقد اختار أيمن جودة شاعر هذا الديوان عالم السجون موضوعاً ثاتبا لإبداعه ولست أدرى هل مر الشاعر بهذه التجربة بالغة القسوة والثراء أم أنها مجرد خواطر التقطها من الآخرين، عموماً يذكرنى هذا الديوان بتجربة السجن التى أنتجت من خلالها ديوانى الأول – صور من الحياة والسجن – ولست أرجو لأيمن جودة أن يمر بمجموعة التجارب الدامية التى عشتها حتى أصبحت شاعراً كل ما أرجوه له أن يتابع طريقه بجسارة حتى يتشرف بأن يكون لسان قومه وربابتهم الصراحة فى الحزن والفرح

أحمد فؤاد نجم

إهـــداء
الى أمى وأبى
الى روح جدى خالد الذكر
الشاعر عبد الفتاح شرويدة

الحدوثة الأولى: الحاج ضانى

البوابة الكبيرة بتقفل في المعياد ويدقوا الشمع لحمر زى ماقال الكتاب وقبل الساعة واحدة بيدخل الأيراد يعنى من غير مؤاخذة المساجين الجداد على باب ضابط نبطشي هتلاقی هانی بیه بيحضر في الزباين والدفتر بين ايديه وعبسلام يساعد

بحكم الاقدمية ويقول تمام ياباشا وكله ميه ميه وأهو كل يوم بيورد إيراد على كل لون مدام فيه شمس طالعه ع الدنيا كل يوم زبون جي يقضيي مده وده مستنى القضيا وده حبس إحتياطي على ذمة محكمه أما إيراد النهارده فيه مسجون أبهه لابس نظاره سودا على بدلة مفخفخة واقف قرفان لوحدة ومبحلق في السما

•••••

وينادى البيه نبطشى أمين محمود نبيه يرد يقوله حاسب دنا بيه وإبن بيه والبيه يقوله حلوه يتقولى إيه يله لما أنت بيه يا شاطر جى تتفسح هنا ويبص في النموذج وصحيفة التجرمة التهمة مال عمومي عشر سنين ضنا ويقوله أه ياباشا دا جنابك حوت كبير دنا هعمل فیك عمایل ولاهفاف الغسيل آم صحبنا رد قاله إنتا عارف أبقى مين

الوبتقرا في الجرايد كنت تعرف مين أمين قاله ميهمش أسامى رحت جيت إسمك حرامي م اللي بيمصوا الاماني من عيون العميانين حتى لما هقول حرامي يمكن أظلم ناس كتير ناس بتسرق أيوه جايز كانوا فقرا ومحتاجين يعنى دنتا واللى زيك من كبار الشيفاطين لما تكلوا نص حله اللى فاضل يكفى مين آم صاحبنا وبجاحه قاله متشدش عريض بكرة حكم النقض يطلع والحساب هيكون شديد

بس إسمك إيه ياباشا الثلاثي م اليمن وإنتا دفعة كالم تخرج بكره تعرف أبقى مين - رد هانی بیه وقاله إسمى هائى أحمد حسين طظ فيك وفي الف زيك أعلى ما في خيلك بهيم ثم خد هنا هوه تعالى مش دالبس المسجونين إنتا رايح سهرا حمرا ويا شله هفافين إمشى غور غير هدومك من قفاه يا عبسلام إحلقولوا نمرة زيرو خلوا جلد الرأس يبان يانهار أزق إيه ده كله الجدع ده بيعمل إيه

برده لازم أرح واقوله خف حبه یا هانی بیه - بعد ما تم اللي قاله والزبون دا راح لحاله خدت بعضى وع المراسلة قلتله خبط عليه او سمحت ياباشا لحظة كلمة واحدة.. الى أيه احنا يمكن ناس غلابه بس بنحبك يا بيه قالی خش یا عبسلام بس قصر في الكلام كلمة طلعت من لساني قلتله لأمش كده فيه بشر عظمتها جامدة الله يحميك من العدا من زمان من كام سنة كان فيه بيه موجود هنا

كت طباعه من طباعك بس جم نقلوه قنا كان رجولة وانسانيه كان نزاهة ومفهوميه كله عنده حته واحدة راسه زيك كت عفية قالی بص یا واد یا عبده أى قرد بيسخطوه قلت يبقى قرد برضه يعنى مش هيغيروه أنتا عارف قبل ماجي للمكان ده كنت فين كنت ضابط في المباحث كنت لسه بنجمتين كنت بعبع أي صايع كنت صدر المظلومين كنت يوم ما تقول مجبتش يبقى جبت قضيتن

بس دمی کان ثقیل مش بيعجب ناس كتير منهم الريس بتاعي كان يوصل للمدير وانتا عارف یاد یا عبده أى دايره بيبقى فيها ناس كدة تلاقيح ودايما فى المكاتب بتلاقيها كل يوم طلعاها رحله عند باشا وعند بيه إللى عايز يقضى رخصه واللى أبصر يعمل إيه كت أشوفهم دمى يغلى وتلاقيني قلبت وشيي كنت لما في مرة أشبكي ألقى مليون ودن طين والحكاية اللي بسببها جيت لمسلحة السجون

بعد سين وجيم وقصة

دقوا راسى بالف هون

كت رايح مرة أنفذ

كشف أحكام م القديمة

إللى قرب منها يسقط

كان فاضله بس ليله

قلت للمخبر سلامه

إقرا سمعنى الأسامي

- اسماعیل عباس دا طافش

- واللي جي شحته التهامي

- مش ضروري ياباشا أصله

- يبقى تبع الحاج ضائي

- إللى بيديرله المعارض

- واد مسجل سرقة عامة

- خمسة هجم وسنته نشل

- بس ضائى أوآه ولمه

- قولى طيب حكمه إيه

-- سبعة شغل في ضرب أفضى

- ضرب أقضى مرة واحده
 - يعتى قتل وخدها رافه
 - يبقى لما تسيبه بره
- دى الحكاية تبقى فوضى
- قوم بلا ضبائي بلا كندوز
 - حكم جناية ولازم أنفذ
- قاللي ياباشا أنا قلبي عليك
 - وإسمع منى بلاش تتنرفر
- ضائى دا طوب الارض مصاحبه

بشوات ياما وكله حبيبه

والواد شحته دراعه وإيده

قلت دا لو کان حتی أبويا

وحيات شنبك لازم أجيبه

قول وكبست عليه في المعرض

كان قاعد مجعوص ع المكتب

قلتله قوم ياد يلا معايا

قال عشان إيه أنا عايز أعرف

هيا جديدة عليك ياتهامي

كلبشة من إيده يانعيم إلا القيلك ضانى دا جه قالى ياباشا بتعمل إيه قلتله حكم جنايه ياوالدى مش واخذينه على الكبارية قالى مفيش حد هيتحرك قبل ما أكلم شوكت بيه قمت لقيته بيسمك إيدى وإيده التانيه على التليفون قمت أنا زقه جه على ضهره خد وياه سلك التليفون

...

خد بقا عندك ومتحسبش إطلع عايزك شوكت بيه – إننا إزاى كسرت المعرض قلت جنابك تقصد إيه معرض إيه اللى أنا كسرته هوه المعرض جايلله إزاله

غیرشی دا حکم جنایه ظبطه قصة بسيطة ومش محتاجه - أنتا كلامك مش مظبوط - ضانی دا حاج ومبیکدبش ليه ياجنابك هوه رسول - إحفظ أدبك متزودش تانی القلیلك ضانی دا داخل كده ولا خبط ولا دستور بص جنابه وقالی یاهانی إتاسف ونلم الدور قلت اتاسف ليه ولمين دا على رقبتى وعمره ما يحصل رد سی ضائی وقال مغرور قلتله إقفل بقك وإخرس بس یا سیدی خلاص خلصنا آدى الفليم وآدى القصة

. . . .

 ایوووه لیه کدا بس یا دنیا دا كلام كده ولافي الحواديت دنتا سعادتك الله يعينك دا على كتافك حمل ثقيل إرمى حمولك سبيها ع الله ياما هتقابل مندا كتير ولا تتهز في راسك شعره بكرة الشعر العيرة يطير بكرة الحق هيركب تاني بعد المشى وهد الحيل جيت شرفت الحدره ياباشا والرجاله الصبح قليل لما الزمن الغم دا يرحل وحيات شرفى لتبقى وزير وحيات شرفى لتبقى وزير - إبقى قابلنى

الحدوثة التانية: الصول عويضة

الدنيا مغربيه والجو فيه طراوه وعبسلام ممدد بيقول آه ياني يابا دماغه رايحة جاية في الايام والسنين وعنيه في الصور تبحلق مع دمعتين حنين ويعدى الصول عويضة ويحدف المسا راجل ببشرة سمرا والصحة كويسة - مساء النوريا خويا

ياعم الجدعنه وحياة أبوك لتقعد وتعفر منى أنا وأدى قاعدة يا بوسيد دنا رجليا اتهرت م الصبح عمال أبرم لما الجزمة إشتكت - معلش یا ابن عمی مهو الميرى شقا وأهو أكل عيش ياصاحبي وهتعمل إيه بقى لامؤاخذة ياصبول عويضة أنا فيه جوايه حاجه عاين أسأل وأستقصى والقى منك إجابه - یا سلام طب دنتا خوی

ودى عشرة من زمن ودى حاجه لوجهه هوه ببلاش من غير ثمن أنا قصدى بس اقولك وتفهمني القضية ليه سبت وجه قلبي وجيت ع اسكندريه - أباي ياعم عبده دى حكاية وعرة خالص تجيله جوه جلبي ولا حد بيا حاسس - أحكى وفضفض لمباحبك هيخف التقل عنك لو شفت هم غيرك هیهون یا خویا همك - أنا كنت اولاكشى

جاعد فی ریف قتا
ومجاش فی راسی مره
إنی هشوف هنا
کان لیا بیت وناس
وعزوة مفرعة
فی البندر والحراجی
حکاویها مسمعه
لکن کت فیه حاجات
اُجوی من العقول
اُدنیا جت علیها
ولا طل فیها نور

• • •

رب العباد لحكمه رزجنى أربع بنته عزيزة دى الكبيرة وأمال ونوال وفاطمه

والخير علينا غطى على قدوم البنته والرزق جه بيجرى كدهه من كل حته ساعتها كنت داخل في الميري وكت هدمي جديدة وكت وظيفتي على السجن العمومي القصد ولجل أجصر واشيل من قلبي واعصر لجيت الدنيا جايمه م الأهل وم الصنحاب دنتا جليل الخليفه ومعدش لك مداد وأصل جليل الخليفه ييعنى معندوش ولاد

واستحملت الرزاله والتلميح والسقاله من کل حی حبه ولا همتنى المجاله ويوم عن يوم وبصر وألجى البنته تكبر لما البت الكبيرة كت داخله التوجيهيه واسم النبى حارسها كت فهمانه لدروسها وكت نمرها ديما بتبقى ميه ميه إلا وفي يوم ياصاحبي لا بيا ولا عليا لجيت نجعاوى أخوى داخل من غير تحيه

وجاللي إياك نسيت حكيوتنا القديمه دا الشلح ود أخوك راح يتجوز عزيزة وأديك فهمان عادتنا في حدوايت البنته ما قى جواز يكون غير من رجال علينا لطمت فوق خدادي كيف الحديث ده عاد دى بنته خاشة جامعة والشلح ما شاف كتاب

• • • •

طج الشرار في عينه وجاللي هيه ليله وبكرة المغربية

راح نعجد الكتاب مدريتش يا أخوى بحالى ليت مرتى وعيالى والجرشينات فى سره وشديت الرحال

. . . .

من يومها ياعم عبده طردونى م الجبيله جالولى لا أنتا منا وملكاش حدانا عليه – أيووه ياصول عويضة فيه ناس بالشكل ده ناس عايشه فى الجهاله ولا عرفت ربنا ومين يقول ياناس طب دا ف شرع الجواز طب دا ف شرع الجواز

المولى جل شائه بيجمع شملنا ولامكنش شامى بيلوف على مغربى والفضيل عند ربك ناله العبد التقى يا سيلام يادينا لسه هنشوف فيكى العجايب وسعات بتكون يا إنسى ولا سيكان الزرايب.

الحدونة الثالثة: شقوير أداره

بعد السلام والاحترام والمحشى وجوزين الحمام سيد هيحكي لعبسلام آخر كلام بره اللومان - جرى إيه ياواد ياسيد - إيه إللى أخرك - إشمعنى المره ديا - قعدت أستنظرك إعذرني اصلى يابا منمتش إلا ساعة الحته كت سويقة بالليل وعاملة غاغة وكان فيه نور وهيصه وصوان بخمسه باب

عشان شقوير اداره

هيخش الانتخاب

- شقويردا مين ياواد

- عقلك ضرورى خاب

- الواد شقوير بتاعنا

- ميخش الانتخاب

- دا لاحیلته بیت ولا دکانه

- والاشية كرب وعدمانه

- دا كان يدوبك في المينا

حته شيال

الدنيا يابا بتتغير

ولا نتصور

دلوقتي عدى الميت أرنب

والرزق... حلال

- باین علیك هتجننی

- متخش دغري وفهمي

- هيه الوكالة بقت برا

- من غير بواب

شقوير ادارة في كلمة ونص لبعب اللعبه محدش حس إفلت سلم إقبض هس إجمع وإطرح عبى ورص وربك يابا رب قلوب أول ذنب مهوش محسوب المعدول يسوى المقلبوب بيع ممنوع هتحج تتوب ودا من عينته كتير جدعان كله ألسطه وكله تمام عدى بكيس ولا جد يموت رزق التعلب ع الخرفان مین فی زمانا بیسال مین ببعد مايركب جي منين لو هتحلق مش هتحوش هتحوش مين وتحلق فين شفنا إمبارح ليلة هنيه رومى ولحمة وكراتين ميه

خلق بتظلط وبتدعليه في جيوبها الأكل معبيه وقداره قاعد متحنجل كدا ومجلجل وجنبه ع النصبة أكابر مرصوصة كتير - الواد قدارة دا بیتهته - ولا يعرف الواحد يابني - من جوز الطير دلوقتى يابا بيتكلم يا سلام سلم وكل دماغنا من المغرب ولنص الليل حلف براس أمه الغاليه لما هينجح وهيتحصن ليخلى كل الناس تغرق فى بحور الخير وأنه راجل أهلاوي وزملكاوي ولعبها كتير وأنه راضع بسلامته مش من مامته ولا من خالته من طمي النيل والنيل خلاص قرب يلطم لو كان يرطن كان شق قلبه وجلبيته م الراس للديل دنا اللي بصحى من النجمة وأشد الهدمة وأشقى يابوياع اللقمة ويدوب عايشين ونسيت أقولك يابو سيد على فتحية بنت أم ياسين كت قعدة قدام باب بيتنا

بتبيع سردين قبل ما أجيلك مسكوها بتوع التموين بيقولوا بتبيع الكيلو زايد قرشين .

الحدونة الرابعة: مرسى الزناتي

صرخ الشاويش جلال وقت الزيارة حان هنبدأ التمام وبطلوا الكلام لحسن أخينا يسمع من مكتبه ويطلع ويخلى يومنا أسود ويضيع لحترام وتعك فوق دماغكوا ومتشفوش عيالكوا ويبقى إيه اللى جالكوا م الرغى والكلام

• • • •

وینادی الصول عویضة عبد السلام حنیدق أول مذنب یجیلی وراعی لنتظام

.

عبد السلام قديم
في الحدرة من سنين
لولا قلة علامه
كام ييعرف كام
ودخل الشاب سيد
في صدر أبوه ويحضن
ويبوس إيده ويلعن
غدر ولاد الحرام
أهلا ياواد يا سيد
وازى أحوك سمير
وازى أمك يا سيد
وازى المن البت ريم

وازى عمك أحمد وازى حتا أفندى وازى البركله م الانفوشى لجليم لسه الشبك بيطرح والصيادين بتفرح والواد حسين بيسرق من غزل ابو اسماعيل وازى البت زينة وقهوتها القديمة كنت طالعة في الإزاله دى وراها كلم يتيم - يا بويا سبيك انتا قولى الكفاره إمتى عشان نجيب عوالم ونقيم فرح كبير - فرح لمين يا ولدى

٠ دا السجن هد قلبي كل اللي عايزه يا ابني ألقاك دايما بخير وأشوف اخوك سمير ييبقى دكتور كبير يداوى في الغلابة يدعوا لبوك كتير واشوف اختك في بيتها متهنية بعدلها أبوس ايديا وأسجد لرب العالمين وأنا برضه ياابنى عايش ومرتاح في المعايش كل المراد سيجارة وهبرتين سمين والشاى مظبوط ورايق والسكرع البطايق والعدس جاى بجبه

والعيش أبيض وزين لكن ياواد ياسيد فيه شئ غريب حصل من جمعتين لقيتلك زبون جدید وصل تصدق يبقى مين بعيد ع السامعين يطلع مرسى الزناتي بتاع المشاغبين دماغي لف بيا وقلت باین علیا إتجنيت وللاحاجه وجريت ع الصول فيهم قالى ياسيدى هوه دا بینه جای فی نوه جامده وريحها عاليه يكفيك شر السنين

.

ومفاتشى يابنى ليله وقابلته في الجنينه لقيته شاب مرجل جدع عتره بصحيح قاعد ولا أى حاجه بيلاغي في الصحايه وتسمع نبض قلبه بيفضفض للغلابه وقال كلام عجبني خرم دماغی یا ابتی كأنه قام ضربني خمسين قفا بهداوه قال دى الحياة بيناتكو صافیه وکمان فی بالکو ما في حد ناسي أصله قلبى الجريح حسدكو

مس بكلامه قلبي نطقت قوام شفايفي یابیه طب دانتا باشا وتنام ه البرش جنبي حصل إيه فيكي يا دينا ياخلق إيه جرى هوه إنتى ماشيه دوغرى وللا راجعه لورا والله يابيه حرام طب دول حبه لتام لما تیجی ما بینهم قول ع الدنيا السلام قالی یا عم عبده دا کل شی بأمره قول یا کریم هتسلك وهتبقي في التمام وسيب الدنيا تمشى

زی ما عایزنها تمشی ولسه برضه همشي ولسسه فيه كلام وأهى فرصة برضه تعرف الناس من بعضها هتلاقى ناس أو نطه وهتديك ضمهرها والدنيا ياحاج عبده على طولها قصيرة مهما قلولك كبيرة تلقيها صىغيرة وآدى صحيفة سوابقى قايدة ومنوره وكمان اسمى الحقيقي مكتوب ع التذكرة

• • • • • • • • • •

وبرضه هفضل امشى

علشانها وأقول واحب
وهزرع قمح مصرى
مش هزرع كنتالوب
- وصفر البروجى
ومخنصناش كلام
وقال هتشوفنى تانى
وهنحكى يا عبسلام.

الحدوتة الخامسة: الشاعر والارهابي

یا هل تری یا عبده بعد السنين دي والألم هتشوف عنيك البحر وتغنى وتحدفلة الشبك وفلوكتك الحلوة هترقص تاني ويا الموج وترجع بالسمك نفسى قالتلى كفاية فاض بيا لا عايزة تسألني ولا عايزة أسالك

.

القصد إية اللمه دى قدم وشوف يا عبسلام الخلق لية متجمعة قدام بلوكمين النظام الحاج فوزى السعدني عمال يزعق ليه كده تلقيها غلطة في الورق هيكون في أية طب غیر کدہ فيه إيية يا حاج فوزى فيه إية مزعلك جايبين عشرين سياسي هرزعهم فين أنا ييجوا يشوفوا العنابر والناس متحشره دا سیاسی مش جنائی مش حاجة صغيرة

أنا عندى أربع عنابر خمسات يتوزعوا إن شاء الله الخلق تفطس إن شاء الله يولعوا

...........

طلع نصيبنا خمسة شبان صغيرين هوه لحد إنهاردة فيه إخوان مسلمين دنا من موال المنشية مسمعتش بالقصة دى خالص وأنا مالى يا عم ما يتفلقوا خلينى فى حالى منيش ناقص نام يا عبده وغطى نفسك لجل تصحى الفجر حاضر قلت طفى النور يا شكرى واد مؤدب قالى حاضر

.

إيه جرى إيه مين اللي بيزغد إصحى علشان الدرس يا أخ درس دا إيه هو أحنا تلامذه لأعايزينك مسلم صبح إمشى يا واد من هنا إطرقق و،إترزى على بطاطينك نام هوه إنتو جايين من أولها هتعكوا وتعملوا قلبان إصحى يا عامر وانت يا شكرى صحى الواد زكريا وفتحى أجمع عندى العنبر كله لما نشوف اللون دا كمان يللا ياعم الخوجة تعالى راح تدينا أبجد هوس أما عجايب والله ياناس

حتة عيل جي يدرس بص ياشاطر أنت وهوة كدا بالزوق من غير مواويل ممنوع حد يشاور عقله ولا في سياسة ولا في طحين هما يومين زرق وقاعدينهم طالم قصرم هما يومين ربنا يسترها ونقضيهم مش هنخش في سين وف جيم نسمعها الفاتحة يا فندية كدة خلصنا قولوا أمين فات أسبوع ولا حد مخالف كله مشى على القوانين

.....

الساعة جايز عدت واحدة وأنا بتقلب أقلق وأسمع حد على سرير شكرى بيطلع

برضة الواد أبو دقن دا تانى دا بينه ما هيجبها لبر قلت أغمض وأرمى ودانى حتما دا الموضوع فيه سر ده بيقول والتائى يرد واللى فهمته يدوب ع القد

........

- هوه الاخ قديم في الاسر انا محبوس هنا من كذا شهر انا محبوس هنا من كذا شهر وضيح أكثر تقصد إيه الشرطة والزبانيه أنا واخد سنتين في قضية أنا زورت جواز ووقعت - الاسلام مفهوش جوازات - دي بدع عاملينها الضلالية

أمال كنت هسافر إزاى ؟

- إن شاء ريك لما تقوم

- دولة حق وفيها خلافه

- مایکون فیه جوازات وحدود

- أرض الله كلها لعيادة.

دولة إيه اللي بتقدها ؟

-- الاسلام اللي بيحكمها

قيها حدود وشريعة ودين

- فيها خليفة وشورى وخير

- وأحنا إن شاء الله عازمين

طيب افهم انتم مين ؟

- أحنا جماعة فكرى ابو دومه

انا مسمعتش أبدا عنه

- استغفر ربك يا أخونا

- الشيخ فكرى دا نور وهدايه

- هوه امير الدولة الجاية

وهتعملوا دولنكو إزاى

- صلى على اللي هيشفع فيك
 - الفين صيلا يانبينا عليك
 - إحنا إن شاء الله هنصفي
 - الحكام ورموز الشرك
 - زى اللى ييمثل في السيما
 - واللي بيتفرج على السيما
 - والمسرح وكمان السيرك
 - والنسوان اللي بيتلوا
 - والخواجات اللي بيتعروا
 - والشعرا وبتوع المغنى
 - ومعاهم لعيبة الكورة
 - والجمهور اللي يشجعهم
 - وقبل دا كله بتوع الشرطه
 - بينا وبينهم دم وتار
 - وبيا المفتى وشيخ الازهر
 - وأساتذة جامعه ونظار
 - إيه دا ياعم إنتو أتجننتوا

مین راح یفضل بعد دا کله - طبعا أحنا اللي حنتفضيل - اما الناس دول كفروا وضلوا يعنى أنا راخر كاففر برضة ما انا من صغرى بكتب شعر وأعزف أورج وبلعب كوره - يسم الله ما شاء الله - دنتا عنبقى دعامه مهوله - دى الكلمة الموزونه ضروره لكن دنا بكتب للحب للانسان ولمسر كمان - لأكده هبدأ أزعل منك - إياك أسمع كلمة مصر - مصر هتبقى ولاية وبس - زي ماكت وقت أبن العاص مصر دي عمري اللي أنا حبيتها - علشان حبك جيت في الأسر أنا جيت بس لاتى غلطت

- كل ضرورة تبيح محظورة
علشان كده حللتوا القتل

- مسموش قتل دا إسمه الحد
أثا مبحبش لون الدم

- بكرة إن شاء الله هتحب
بكرة بتاعك دة مش جي

- يبقى عليك هنقيم الحد
أنا مؤمن بقضاء الله

- وإحنا سيوف الله في الأرض

• • • • • • • • • • • • •

فزيا يا عبده الواد هيموت دى المساله بقى فيها سيوف خد فى سنانك يادا ياجعر وحيات راس أمك لتشوف أنا مش قلت بلاش م اللون ده انتو اصحاب بيت ولاضيوف

دولة ایه اللی هتعملها
انتا بینك واد ملحوس
هیا الدوله دی لعبه یا شاطر
أما صحیح حته هلفوت
مش عجباك مصر یا عین خالتك
طول عمرك تطفح من خیرها
لما بقیت أفحل من التور
روحوا یابعدا الله یحرقکم
لیه بتطفوا علینا النور
خبط یاد علی باب العنبر
زعق وانده جرس الدور .

الحدونة السادسة: عزت كسبرة

كل شى فى الدنيا جايز أى شى ممكن يكون ممكن مكن مكن ممكن ممكن ممكن مش مصدق خش وإسمع ألف ليله فى السجون

• • • • • • • • •

سجان إديه متظفره كان اسمه عزت كسبرة أبوه جنيه وبطنه بير وتشنكله بصة مرة صياد بشبكة وسنارة والمية مليانة عكارة نسوان غلابة بيصطادها شايلين بلاوى الرجالة

وحكايته من غير منطول حصلت هنا من عمنول عرف مرات جمعة بللو شافها في زيارة وإتكعبل والحق كت حرمه حكاية قمر مدور في ملاية حمار خدودها اللي بتلمع متقولش أجدعها مراية وجمعة وادعرة وخايب مسمار دماغة كان سايب عامل مفتح ومدقدق وقاطع الشاي والرايب هجام شقق من راس التين برشمجى مضروب بالهرويين والست فوزية مراته أبواها كان سمكرى بواجير

طول عمر جمعة مبهدلها سايبها تشقى على عيالها غضبت معاه خمسين مرة وابوها كان بيعقلها

•••••

عزت قوام صاحب جوزها عرف اللى فيها وقلوظها وقاله لوبيتك محتاج رقبتى سداده يا جمعة وعشان صاحبنا مهوش دارى وقاله بيتى مفتوحلك شقر وطل على عيالى وصحبنا بقى خارج داخل خلاها خل على الآخر فوزيه قلعت برقعها فوزيه قلعت برقعها وقعت وجابت م الآخر

قالت لعزت تبقالی

أن الاوان تبقی حلالی
یقولها إزای یاولیه
تقول أنا أدری بحالی
فی الاوده كت رایحه وجایه
دماغها جایبه مودیه
ضحكت ومصت شفایفها
وجتها فكرة شطانیه

.

دبحتله فرخة عتيقه بسم فاركت محشيه وإتزوقت أحمر وأخضر وع الزيارة راحت جايه دخلت لجوزها بالاحضان وحوطت زى التعبان إبسط يا عزت هتزهزه هتروق وتحلو الأيام

وروحت بعد مازارت رجلیها زقتها وطارت واتمسمرت فی البلکونه تستنی خبره من الشارع

• • • • • • • • •

لف الشريط جوه دماغها من يوم ما جمعة وقعها كل البلاوى إللى شافتها حتى إللى كان ليله الدخله وضميرها بينغز فيها عمله شنيعه عملتيها تصرخ تقول لأ يستاهل زرعه إديه وبيجنيها

.....

نرجع بقى نلاقى الفرجه ريحتها فى العنبر فايحه عزت يشمشم ويعسعس

ومعدته م الجوع دايخع وقام مزعق في المساجيين الأكل ممنوع في الزنازين إللى معاه أكل يطلع لحسن هتبقى ليلتكم طين خرج في أيده كام شنطه ورسمله تكشيره أو نطه وعشان ميسمعش اسمعنى أخذ معاه فرخة جمعه ونفسه راحت ع الفرخه وقام مفسخها وكلها ونام يشخر مش عارف إنه مسافر ع الآخره وبعد ساعة جه خبره ودى نهايته وده أجله أخد جزاؤه من عمله من شعر دقنه وإفتله

والست فوزية إتجنت جريت قلعت هدومها ورمتها على ناصية السجن وقعدت والناس تقول لاحول الله ييارب ألطف وإتولى وترد فوزيه الهبله عزت حبيبى فى الحله .

الحدوتة الأخيرة: عبد السلام حنيدق

هتعیش مجروح وتموت مدبوح مش عجیك روح مطرح ماتروح الأرض براح والكون مفتوح والكون مفتوح وأهو عندك بدل الرجل إتنين

...

قلبك مهموم يمكن مظلوم أو مش مظلوم

يمكن مسجون جوه الأوراق وهتفضيل ساكن فى الأشواق قدامك سور وزمان مهجور قدامك ناس شوقهم محروم وحكايتك إيه منتش عارف واحد منهم فيك إيه غيرهم يمكن تطلع مرسى زناتي وللاهتبقى عويضه الطيب لما تهاجر جوه حنينك

قول يمكن نطلع عارفينك بتقول مين سيد درويش هيا حكايه وللا أغاني وللا بتقصد واحد تاني لأبصحيح مش حدوتة حزر فزر هوه الشيخ سيد بيهزر دنا على سيرته بكحل رمشى هو ندانی قوم

ماتنامشی قمت وراه

وآدى حكايتي

**** **** ****

كانت عندى فلوكه

نزيهه

كانت خضراً

زى عباية

سيدنا الشيخ

كانت ماشيه

بسر القدره

عمر الشبكه

ماترجع فأضيه

بس خساره

لما بترجع

تلقى الحوت

مستنى الصيد نشقى ونتعب ياخده بلاش عجبك تقبض ولا بلاش مره رفضيت وعشرة قبضت تعبت ونمت في بطن الحوت بختك ياللي تبات مغلوب هوه انت أحسن من أيوب لسه يدوبك هنعس وأحلم ألقى الشيخ سيد

بيقول قوم جك شوطه تهد ضلوعك خليك راجل وإفرد كوعك دنتا یا عبده إبن حنيدق أجدع راجل في الانفوشي شفته يا واد ولا مشقتوشي يوم وقفتة للمستر جو كان بيشد نعيمه البوشى ولافيش راجل

قال أيووه إلا حنيدق قام خلصيها خلاه لحس الأرض وباسها حصل إيه يعنى جم مسكوه ويحاكموه شتم القاضي وقال يا خواجه أيوه ضربته وبكرة اخرجله وأبهدل أهله هيا الدنيا نهيبه یا ناس ختدوا بلدنا

غصبن عنا ملکم پس ومال نسوانا حكم القاضى عليه قال طظ عمر حنيدق يوم ما إتهز يللا يا عبده يا بن الوز قب وعوم إضرب بطن الحوت لوهتموت علشان الحق شقيت بطن الحوت

وطلعت

ملقوش عنده نقطة دم ملقوش جوه ضلوعه قلب كتبوا التهمه قتل وعمد

. . .

آدی حکایتی رئی ما هیه آدی ضمیری وآدی النیه مبیخدوش بیهم فی قضیة فی قضیة وآدی حدوته کان یاما کان هیا زمانی


اللى معشتوش هيا ضنايا اللى مشلتوش اللى مشلتوش هيا العنبر والسجان كان ياما جى – ولسه كمان .

عبد السلام حنيدق المسجون نمره (٥) سجن الحدره

القهسرس

| م ٥ | أحمد فؤاد تج | مقدمة |
|-----|--------------------------|-----------|
| | •••••••• | , |
| ٨. | الأولى: الحاج ضانى | الحدوثة ا |
| ۲٥ | لثانية: الصول عويضة | الحدوتة ا |
| ٣٧ | لثالثة: شقوير أداره | الحدوتة ا |
| ٤٥ | لرابعة: مرسى الزناتى | الحدوتة ا |
| ٥٧ | لخامسة: الشاعر والإرهابي | الحدوتة ا |
| ٧١ | لسادسة : عزت كسبرة | الحدوتة ا |
| ٨١ | لأخيرة: عبد السلام حنيدق | الحدوتة ا |

رقم الإيداع: ٢٠٠٢ / ٢٠٠٢



الثمن خمسون قرشا الأمل للطباعة والنشر